

沅
湘
耆
舊
集

沅洲耆舊集卷一百四十五

新化鄧顯鶴湘皋編輯

湘陰左宗植仲基校訂

譚吾肩瑞二十三首

瑞字玉璫號吾肩新化人嘉慶甲子舉人屢困禮部試曾佐舉主韓侍郎樹屏先生陝甘學政幕足履九邊三萬餘里後又客粵西學使幕與同里孫之棟雲浦一夕同卒於慶遠雲浦亦以甲子副貢與吾肩暨余同出侍郎門者也吾肩與余交最篤甲子以後往來南北舟車跋涉旅邸棲泊展轉困踣之苦無不與共吾肩直諒多聞慷慨尙氣節嗜

好與余畧同窮困中日以文章道義相切劘偶議
論不合顏面奮爭鬚髯怒張過此仍歡好也嘗謂
吾黨中如吾肩者當必有所建曰於世不以車中
老其客粵西也余實促之行初不料其遽止於此
且以是區區者死吾友於數千里外百蠻煙瘴中
也傷哉輯其詩不禁爲之涕泗橫集也吾肩湛深
經術不以詩名偶有所作博衍深奧望而知爲通
經績古之士讀者亦可得其大概矣

勵志

金烏箭激榮落輪旋載寒載暑奔如逝川人於其間胡不
愔焉鼓音啾啾啄哺遺粒忽焉矯翼排雲遠入著積於微

功成於習洽洽滿叨嘉禾以陰藿夷不剪蕪穢成林簡箠
空而是用饗禽人亦有言竹箭有筠我不愛寶曷云爲人
往訓不違守身事親申公皤皤皓首一經韋氏繼起令德
維馨鬱彼青松矧不凋零匪享敝帚匪珍康瓠耀諸通衢
信美誰慕時乎不來無窘捷步

雜詩

安期說不行雲棲蹟深屏留侯志旣遂辟穀乃習靜頗訝
韓淮陰井陘事馳騁虜豹斬成安勲名一朝炳長馳下三
齊遽以假王請徵會期固陵按兵不出境積疑釁易生功
高禍難省長樂念若人往事空畫餅弓鳥憾何窮使我心
耿耿

六國剗白馬言獺虎狼秦函關一挫劍遂乃逃逡巡割地
計大謬俯首忍稱臣東海魯連子千金視微塵俶儻數千
言見豈垣衍倫賢哉藺相如返璧何嶙峋進益不月擊怒
目靡秦人丈夫營四海要使大義伸道充無富貴氣定無
貧賤

蒼精失其綱大雅久淪喪關里感麟遊微言翳霾障伯陽
元之元博大寶虛妄荒怪及雕龍理絢神不王蛇短龜復
長卮言紛萬狀不白又不堅觚偶徒造誑蒙叟經世心欲
辨言已忘雲將汗漫遊相待罔與雨連升瑋瑰詞縱恣而
不儻非是亦是非一頗皆摒擋存雄彼何人而曰天地壯
曲逆食糠粃門多長者車臨邛著犢鼻至尊關子虛好修

苟不替風采照門閭譬如中谷蘭幽香襲人裾末世寡矜
尚侯門以延譽十上刺不收茶然歸做廬枯株難爲春老
漁焉有渠

魏其既貴顯賓客爭委填千金予將吏諸賈獨翩翩武安
詫肺腑一旦勢居先甲第耀通衢氣燄真薰天堂上羅鐘
鼓堂下列曲旃遂欲取武庫何況城南田勉具牛酒方
圓充腥羶旦日幸早臨至午猶高眠長者起爲壽耳語相
疊肩伸孺氣未降罵坐驚四筵飲食伏禍機杯酒尸兩賢
悠悠淮水謠千載鳴幽咽

酎金坐失爵入粟至三公元鼎大初間庶政何總總張騫
傅介子萬里貪天功將軍拜五利公孫登空峒柱觀通天

臺高插青雲中乾封事欺謾不見五穀豐洛陽賈人子頭
會心計工敲扑爭尋常邈矣文景風誰能餘力讓椎埋起
相攻素封敵公侯擁貨爲長雄灑削食列鼎馬醫庭鳴鐘
太史傳貨殖隱諷寄孤忠重利輕仁義所見等兒童紛紛
耳食徒誰爲發其蒙

秦皇事齋戒羨門期不來弄玉學吹簫狎舉謝塵埃誰言
不死草駐顏返童孩腥矣相繇土巍哉羣帝臺願乘太乙
蓮駕言遊蓬萊初平一握手柏高相追陪餐以胡麻飯飫
以紫霞杯招鶴女牀山逍遙過九垓

理園

吳天默無言一氣爲融液我園無數畝覆露被豐澤經營

較高卑安貼植松栢桃李自成陰歷歷傍牆隄正町接蒼
畦剪采侑朝夕秋來何累累瓜壺挂狼籍不材爲櫟穀斯
以供鼎鬲芸芸多傑魄良楮各有適

積雨用東坡岐亭韻

積陰雨不解瓴滴如浣汁避漏屢移牀連朝苦溼濕雞犬
疊上牆棲止不自得喔喔兩班鳩相逐意頻急突窻蒸葦
菌墀際浴鷺鴨霧重聯巖巒層層張帘幕夫健旣決柔陽
亨無蒙赤戈兵久洗淨安得豕躡自我欲叩蒼天仰首正
冠幘萬年歲豐收閭里免號泣今年雨如此但恐農事缺
酌酒勸採畢月娥無人客一朝埽重霾東郊歡愜集

放歌

黃河渾渾復泡泡馬夷向若爭騰嘲鴻濛溟滓望不到矧
乃杯水覆堂坳千金未殫屠龍技蚊肝螯膾稱嘉肴二十
買餅二十賣何曾齊截大官庖紛紛慣欲區草木忍使蘭
蕙揉蓬茅莛撞萬石暗不響滿堂聒耳勞笙篴徑欲置身
扶桑外吞吐元氣斟天匏穰秕塵垢埽陶鑄不學唧唧寒
蟲號倩工爲畫陸務觀淋漓大筆蟠螭蛟感此再三長太
息茫茫百緒紛蘆菱相馬相牛無世業學書學劍從可拋
年紀逝邁身將老橫笛難聽短吹饒君不見郭家獅子身
經百戰後耳聞鼙鼓鳴咆哮

試茶

綠筠圓滑形製嘉眼纈次第紋如韡故人念我苦瘠渴一

籠遠寄火前茶開籠清芬襲芳芷北苑建溪差可擬呼童
取綆汲新泉滿盞雪乳清入齒竹爐緩緩颺風前銅瓶細
細蟹眼穿不須更用鹽薑拌水腳一線浮輕煙輕煙宛宛
味甘和一椀爲我驅睡魔試將譜入桐君錄人間風日竟
如何

見月

離家經兩月見月始今宵天上纖雲捲人間積雨消階空
花疊影竹淨露垂條知有同懷客相思路更遙

邵城感興

鬱鬱山城雨廉纖動及旬窮閭稀見日邊郡不知春迢遞
魚書渺朦朧蝶夢頻清明驚又過寂寂未歸人

新晴

跌蕩散晴雲千山瞭可分
炊遲煙帶濕露浥草含薰
蛭篆垂釵腳苔錢聚古文
微禽何所識竟日樂欣欣

春泉

春回荔挺動新泉繞砌通渠劇可憐
漱玉亭邊飛淨淥浣花溪畔漾淪漣
好調雁柱松間賞試展龍團竹裏煎
林下莫教人洗耳風清月曉聽涓涓

感懷四首寄鄧湘皋同年

目送冥冥萬里鴻誰培健翮泝雲中
行藏久已占詹尹得失何須問塞翁
大筆幾人能畫日長途猶自馭追風
春秋代謝非關我只恐年華歲不同

偶留泥爪印 飛鴻秦隴間
關雨雪中頑健已成無患子忍
飢甘作信天翁邊城野草扶蘇月
鼓櫓揚波漢帝風迴想
樂遊高會日謝公絲竹有誰同

陽回歲歲遭寶鴻須髮條條康了
中此去倒綳慙老婦平生弱扇嘆
髯翁十年尙抱荆山璞六鵠難禁
宋國風嘆息黃楊逢厄閏春暉端
覺不相同

好裁尺素付征鴻凝睇蒼煙暮靄
中已自蕭蕭添鶴髮猶然泛泛趁
鳬翁江流滉漾桃花水郡閣飄搖
柳絮風遙想一燈懷永夜也應知
有素心同

倚徙

倚徙庭前地蒼然暮靄生黃鸝深
樹裏時復兩三聲

遊春

門外黃鸝百轉催園林三月看花開春光去去如流水已過清明上巳來

垂柳絲絲護綠蕩天開圖畫眼離迷平池暖漲鶯兒水糝徑香融燕子泥

劉教諭方璿

四首

方璿字芸莊零陵人嘉慶甲子舉人桂東教諭芸莊以乾隆丁酉充拔貢其年余始生後與余同舉於鄉年逾九十始卒同年中最爲老壽生平謁經甚勤著有芸莊易悟周官說約等書詩不多見曾石反刺史令黔陽修復王少伯芙蓉樓古跡自爲

詩記其事同八爭和其韻余亦有作

棄置明時豈不才
天教詞客五谿來
官同海外虞翻謫
風擬江南庾信哀
寒雨連朝曾送別
冰心歷劫未成灰
芙蓉依舊樓何在
惆悵風流去不回

使君好古有深情
百廢俱興此落成
花影有知迎赤鳥
詩魂不散倚朱甍
臨風送遠今非昔
終古同音磬與笙
賓從皆賢光景好
紫雲吹墮月華清

萬壑千巖繞復週
迷離煙雨儼羅浮
林端高踞無雙地
天上空傳十二樓
鷗鷺親人依畫檻
芙蓉浥露豔新秋
按圖指點神飛逸
如在香爐洞口遊

冷道曾經綬轡臨
披雲曉人九疑深
因知問俗勤民日
亦

萬懷賢弔古心泉石鐔城堪吐氣文章中秘有知音關揚
庭處關風雅勝種潘花滿路陰

黃舉人

十四首

爨原名如穀字雙舟一字蘊山道州人嘉慶甲子
舉人借補安福縣訓導蘊山肫摯誠懇口無過言
溫溫然古君子也往往都時過從甚密別後不相
聞問暨余司訓寧鄉蘊山亦官安福相距不遠方
謀繼見而蘊山遽歸道山矣蘊山長子某充乙酉
拔貢卒於都餘亦相繼歿逝晚歲忽忽不自得坐
是不永年遺稿散失茲從寧遠楊上舍季鸞許得
其古近體詩數首亟爲裒錄以志人琴之痛

窠尊石 自注在州治東

古石如古人偃蹇無俗態寂寞荒園中往往露靈怪有唐
元道州天寶間遺愛心清政多暇名山靜酬對雅好窠尊
石泐銘鐫石背廣亭長瓢中載酒日稱快風微人既往盛
事遂荒廢石亦無主人甘臥風塵外迄今千餘載州乘竟
誤載我從寺僧游披榛得所在奇文皆漫漶豐草交薺藟
古跡久沈淪太息一長喟山靈胥響應嗒然宣地籟殷雷
破空來石仆終不壞堂堂張都尉從容委裘帶每念甘棠
枝猶重翦伐戒矧此名流跡何忍委草莽指揮命工役雜
還除蕪穢繼輓登山椒位置開眼界如洗石鼓文如發金
滕蓋從此石上銘永與摩崖配五如兼七泉盛景胥交會

我來弔陳迹俯仰同感佩今人愛古人後輩卽前輩焉知
百世下同心人不再詩句任摩挲名姓隨顯晦卽此片石
閒流芳應未艾落木晚蕭蕭斜陽秋曖曖寒泉注空樽獨
效米顛拜

過蘆溝橋

草草登程客意迷官橋入望夕陽低柳絲半禿縈鞭影石
徑多凹礙馬蹏囊底空勞關吏問柱頭羞憶長卿題無情
最是蘆溝月又送歸人過小溪

河間府

遙望平蕪接郡城空聞瀛海有樓名驅車漸入齊東境貫
酒難禁趙北情雲散尚臺吳質譙月明細柳亞夫營裴裴

董子祠邊過欲伴書帷老此生

登魯連臺

欲向荒原酌酒杯秋風獨上魯連臺
齊秦敢僭東西帝儀行真成妾婦材
願比夷齊甘蹈海忍看宮闕竟飛灰
先生別有存周意落日聊城首重回

渡黃河

九折洪流瀉大荒波中吞吐日昏黃
天分南北勞疏鑿地坼青徐接混茫
千里歸心憑桂楫七年征夢憶蘭陽
謀生歷盡風濤險輪與閒鷗水一方

贈別劉松九

斫地悲歌酒數巡掉頭攜手上征輪
三年落拓家千里一

樣飄零我二人車裏潘楊曾許附舟中李郭竟難親臨歧
把袂無他語珍重相看是此生

道州華嚴雜咏

極山

極山高不極一氣闢鴻濛山名亦何奇請問無極翁

華陰巖

造化開窠竅自然幽且深空空本無物萬象此中森

華陽巖

乾體本圓明此象恍如遇清泉下蹙沸一陽初動處

化生泉

一水響谷口東流不暫停欲識化生意憑君洗耳聽

觀茶橋

玉輓鎖新流疑是陰陽界我從橋上觀此象復何在

儲精田

平疇肥穠稔百產獻其精且問力田子良苗何自生

胚岡

兩竅相吐納一岡獨內抱山腹何彭亨誰解網緼少

雙秀峯

雙峯何姣好左右榮成行啓窗時一笑挹秀入詩章

阮教諭芝

五十首

芝字鶴田號霞衣益陽人嘉慶甲子舉人官寧遠
教諭有鶴田全集鶴田家世能詩所居在瀟濱清

水潭與文漢卿宅相距一牛鳴地二君交莫逆與
余同舉於鄉余舟行過潭側嘗倚棹訪之值其他
出寒溪荒渚閒茅舍竹籬古木髡柳蕭疏掩映致
有畫意徘徊久之後聞其官寧遠時病瘵歸未幾
卒得田集古今體俱佳余尤愛其五字小詩故所
收較多益陽文夏策漢卿云鶴田諸體中推絕句
擅場而五古更見造詣五言風格遒上如
霜冷煙光澹山空月影完東雲催雁走急雨扶攔
飛古木鴉聲急空山騎影單雲雷歸鳥迹草見夕
陽心忽枉故人駕剛逢不雨時雪連數
峰動月入一江低等句皆新警可誦

子夜歌

枕上盼孤月月色生徘徊願照夢中路好從郎處來前日
采荷花昨日采蓮子妾心蓮不如妾貌花還似春花媚春

風龍得幾時好花開君不歸君歸花已老抱鏡不成卜鉤
簾心益悽何如路旁草中有郎馬蹏

醉歌

瑩瑩雙白兔墮地無雌雄飄飄波上萍聚散隨天風翩翩
少年子意氣何橫縱拔劍斬琅玕垂餌投游龍餌盡不可
得歲月奄將窮坐此生感激委懷卮酒中萬古此須臾緬
焉起遙蹤高歌倚蓬華遺響驚青空鼎鼎百年內斯樂少
復同誰言不得意造化原至公

田家

昨日山雨來春水生稻田既耕亦已耨種苗何芊芊暖風
臨平原榆柳吹晴煙草肥悅羣犢衆牧有餘閒老夫攜筇

出心無一物牽牽頂飛朝雲清溪響流泉頗有不寂寞耳
目生因緣歸來招近局村醪足陶然

還珠吟

照曜天上月粼粼水中石人生抱堅質光景誓不歇君有
雙明珠何以相投擲禮義古所欽隄防君自惜素絲汚泥
中浣之竟何益

晚步

綠意滿平蕪春風無深淺雨餘天氣佳遊屐相於屐初從
南澗過復向東林轉香氣雜迷來遠近莫能辨坐聽幽鳥
鳴石磴剔殘蘚空山悄無人白雲遙在巘

獨遊

秋風吹北林涼露滴清響舉頭見明月仄徑招獨往不知
衣袂寒但覺煙雲敝地白松影流巖青石髮長耳目生靜
綠冥冥無心想始悟王子喬幽棲契夕賞

蠶食桑葉肥

蠶食桑葉肥吐絲爲君衣不惜吐絲苦爲君生光輝長安
多風塵馬蹏如星馳君看衣上色何如初著時

枝上烏

枝上老慈烏日以哺其兒兒羽日長成飛飛去何之淨雲
隔望眼老烏嘯聲悲悲嘯兒不聞空憶哺兒時

山陽曲爲漢卿作

驚風盪白日夕沒朝復生落葉辭故枝秋隕春復榮吁嗟

千金現奄忽瘞晶瑩儀光不可再展睇爲吞聲我有朱絲絃泠泠君所傾我有一端綺燦燦君所明幽室一朝閉何用爲君呈何用爲君呈愀愴傷我心鴻鵠叫其曹萬里成孤征悲哉山陽曲悽其誰與賡

長相思

長相思相思不到君行處門前春草又青青但識馬蹏從此去前歲北平書今歲金隄路人言海水深又道黃沙苦夢魂夜夜落天涯烏唬樹上愁天曙

怨歌行

莫作牛女星悵望銀河邊相歡不終夕相別動經年東隣女兒年十五良人重利輕鄉土三年作客未歸來空房夜

夜鳴機杼自言天上勝人間獨對雙星淚如雨

卽事簡趙鹿潭

高閣俯江隈江光入酒杯荷風簷外落帆影鳥邊來短笛
催殘日餘花映綠苔美人隔煙渚一徑爲誰開

雨後坐月寄內

高閣收殘雨涼風吹暮蟬雲疏不碍月竹淨更無煙憶別
憐兒幼能貧仗汝賢刀頭期未遠秋色女牛邊

曉窗卽事

山光歷歷透疏櫺絕好春華入畫中細雨夜添芳草綠曉
霞晴如小桃紅生涯自笑操齊瑟得失誰憑問楚弓且喜
軟塵飛不到黃鸝聲度柳花風

沈約集卷第一百四十五
遣興寄同好諸公

清霜吹信到顛毛
仲蔚門局十丈蒿
久謝少年工楮葉
不知何處試鉛刀
秋風翦水兼葭老
夜月橫空鴻雁高
卻憶故人吟飲地
自當旗鼓興能豪

悼文漢卿

俠骨雄才欲絕倫
一過華屋一沾巾
文章吐燄輕餘子
性命論交有此人
未起溟鵬關氣數
每憐倉雀倒箱囷
如君便合生天上
誰遣澆風得再淳

遣興

春雨淙淙晝掩關
一瓢剛怕酒腸慳
鳥聲時復墮幽耳
花氣忽然來遠山
古有何人擇地隱
老猶不放此身閒
寂寥

僧院經旬醉漫興篇多手自刪

觀別者

貧賤骨肉疏臨歧了無語行行驅馬去回頭看見女

題畫

雲樹何蒼蒼遠山如欲曙中有看雲人無心自來去

子夜歌

殘月欲無影曉星寒在天隣雞驚夢覺猶是在君邊

秋扇詞

用舍目有時愛憎非禁抱但得君體涼不憾秋風早

秋柳

新黃歸柳上秋意愈蕭然流水斜陽渡鳥啼破晚煙

看梅

松窗漸成曙雞聲起我早踰破寒林煙獨立梅花島

桃源

溪上見桃源云是避秦處借問避秦人只今復何去

擬古閨怨

涼風西北來到雁新流響殘夢失河陽圓月窺羅幌

秋夜怨

梧桐枝上葉葉上露珠圓徘徊明月下孤影淡秋煙

雜詩

湘口送別舟解纜知何地君看江上波中有思君淚

春雪

春天餘朔日寒凜增寒意銀河瀉無聲積水在平地
冰泮

堅冰忽破碎暖氣騰朝旭輕風潭上來澹澹春波絲

明妃曲

蛾眉不自炫寂寞漢宮春萬里憑胡騎邊風愁殺人
自嫁烏孫主蛾眉何日歸思鄉無限淚滴向故宮衣
折楊柳枝詞

妾作楊柳絲君作楊柳花絲絲不離樹花飛落誰家
昔昔鹽

明月在中庭思君泣孤影還家應有夢萬里關河冷

望遠山

畫簾不到處遠山誠有之三朝復三暮有無雲起時

春晴

花影低昂外鳥聲長短中今朝天氣好何處不春風

絕句

萬籟此寂寂春山生餘冷獨鶴未歸來月墮松花影

柳枝詞

河畔青青柳千絲復萬絲別舟維不住爭得繫相思

柳

門首種楊柳三月飛香雪不惜雪花飛但惜青陽別

雜詩

庭前一株桃春風日顛倒不厭結子多子多花易老

歡愛芙蓉花采采江之濱將花比儂豔不解蓮心苦
團圓明月光不在天與地只在離人前照見離人淚

書梅邨集後

白頭二老苦酸辛孤負攀髯令子身鄧尉山前看片石天
荒地老哭詩人

清詞空復比兼金賸憾紅羊換劫深爭道一錢都不值只
今誰見魯連心

題黃陶菴先生野人詩後

東廠熏天勢燄新左楊正色已沈淪瘡痕滿眼兵戈起只
有煩憂到野人

漫成

一邱一壑足平生
花鳥能牽物外情
吟罷夕陽歸卧穩
更無閒夢到公卿

自嘲

華胥歸路戴殘星
笑煞塵心夜不扃
清磬一聲天漸曉
宿雲離樹鶴初醒

客中春晚

廉纖昨雨不成寒
曉色瞳矓上翠巒
十里鶯花春老去
幾人爭得故園看

偶成和活來上人元韻

春林花露滴風梢
春月溶溶映水坳
一片春雲飛不住
卻隨空外鶴歸巢

春陰

芳心已透百花叢
春色偏歸黯澹中
惟有東風解相惜
暗吹花氣入簾櫳

卽景

又是如珠白雨跳
春光爛漫此中銷
飴簫正好無人買
更逐兒童過板橋

陳訓導融觀 三首

融觀原名常泰字心泉衡陽人嘉慶甲子舉人偕
補安鄉訓導心泉與余同舉於鄉性情意氣甚相
得也工制舉藝不以詩名今從嶽麓詩鈔錄其小
詩三首亦清婉有致

桃塢

春到桃花林，瀾漫照山塢。
天際飛流霞，溪邊落紅雨。
仙源今咫尺，不必問漁父。

柳塘

銀塘垂柳深，薄煙因風舉。
絲絲青不齊，中有流鶯語。
傍暕喚春醒，春光遍綠渚。

荷池

晚涼生隔浦，冉冉荷香弄。
薰風如有情，披襟溽暑送。
西山月上時，波漾珠簫動。

沈氏詩集卷一百四十五終

沅湘耆舊集卷第一百四十六

新化鄧顯鶴湘臯編輯

湘陰左宗植仲基校訂

文漢卿良策

二十九首

良策字對三一字漢卿益陽人嘉慶丁卯舉人有
漢卿遺集漢卿少負才名性慷慨議論忼爽善談
諧所至傾其座人甲子鄉試與余同出咸寧許先
生門以三場俱用駢體抑置副榜漢卿夷然不屑
也家素饒以好客故屢破其產所居曰紋波洲濱
資岸距清水潭不遠余舟過必挽畱談讌窮日夜
不倦方謂吾黨中多聞好善俠情豪氣如漢卿者

必大有爲於時而不圖其負才早卒如此之速也
輯其詩不禁爲之歔歔泣下云

韞上鷹

獵騎出秋原長風動寥廓
弭弓明月彎駿馬金絲絡
健兒好身手錦韞力揮霍
何物俊若神卓立森毛角
翅未凌雲煙勢已鬱挐
搜當其摩空時萬里愁鵬鶚
側身瞥向下雉兔恣剽掠
荒荒塞草枯毛血粉斑剝
日暮不更圍功成自引卻
俯就碧絲條還望青油幕
嗟爾鷹神俊海東青豈若
偶緣飢附人誰令籠逾鶴
徘徊主人恩周旋事擊搏
夜夜戟門霜膽向天邊落

鄰人

古人重桑梓王道觀鄉鄰而或犯豆觴其俗以不淳今晨
及良會東舍與西村老翁杖履健少年裳袂新列坐雜談
笑款款回陽春霜重日猶寒人樸酒亦醇重勞公等祝爲
言福祿臻而我謝不敏斗酒相溫存衣食取裁足鄉里稱
善人平生馬少游常服膺斯言起謝還相勸引滿盡一樽
卽今 天子聖同爲太平民早晚農事亟各各勤田園食
時貴努力樂此壺與噉此樂亦何極合座且勿喧柴門人
影散把卷聊復觀高詠田家詩陶然有餘歡

觀漲

鍵關近十日積雨拖蓬蒿轟雷破春曉戶外聲嗷嘈蠟屐
步出門競報江漲高隄背尙遮面船身已露尻逐隊恣登

覽盪胸生波濤西望來汨汨東流逝汨汨江心界黑龍蜿蜒成浮橋連根漂大樹其細爲枝條水中忽成麓漁者乃兼樵對此發浩歎回頭語若曹此勢不懦弱吾儕亟憂勞往歲癸卯夏隄防弛不牢水軍潰圍入萬弩夜解駸狂風助聲勢比屋紛遯逃良田滙湖海嘉穀飽鰓魴我時年逾齔赤腳走且跳白板爲扁舟綠竿作蘭橈遊戲堂階上時輒驚叫號追令廿餘載回憶如昨朝公等更老大豈不念脂膏旦夕或媮情覆轍未云遙聞者首爲肯各自返東臯嗟余本書牘學稼從芻蕘文翰手不輟水旱心亦焦前年閱邸報河決紀聖朝近在畿輔地泛溢肆鯨鼉州郡難指數塵沙付浪淘生靈累千萬瞬息輕鴻毛幸無其鯨誅

大功答 帝堯振恤不可紀鴻雁猶待招乃知百穀王茂
害常相遭號咷吁可畏詎必海與潮吾楚地卑溼資陽頗
不塹所貴慎保障庶免歎飄搖 朝廷水利官職守亦孔
昭作詩當入告誰與采風謠

漁郎詞

漁郎家世多沔陽漁郎生小隨耶孃朝隨阿耶學打槳暮
隨阿孃看結網網得鯉魚三尺強持比漁郎長更長

通天臺歌

高臺插天天可通漢武皇帝作此契神工雲雨出其下芝
草生其中上有承露盤當空瓊漿玉液飲之白叟返黃童
乃至壽與天無窮于萬斯年撫有夷夏坐法甘泉宮嗚呼

漢武之心亦已雄茲臺何如高祖之歌風歌風臺思猛士
通天臺候仙子文成五利次第死至竟仙人何者是我聞
天子惟德可以動天神德惟善政在養民民不堪命天何
親一臺之費萬戶貧况復柏梁神明工作頻是時開邊窮
赤縣血染邊庭耐苦戰兵戈滿眼徭役繁樓臺又欲邀天
眷天既憫開邊更不愛求仙茲臺何事號通天通天直恐
干天怒天上何曾滴甘露

昆陽戰

懿夫堂堂天子中興數漢光其始自南陽絳幘大冠從戎
行其後都洛陽二十八宿森開張數載開關身百戰中開
一戰著昆陽昆陽城下喧鼙鼓王邑王尋猛如虎雄兵號

百萬狡獸塞妖氛勢如泰山壓鯨鯢那知世有劉將軍劉
將軍見大敵勇一舉神威山岳動獨與敢死三千人直搗
中堅無遠巡守將開門攀城起合擊追奔百餘里但見縱
橫出沒雲中龍天乃大雷電以風須臾雨急如飛弩流血
漂杵滄川紅我聞在昔西楚霸王戰鉅鹿十二諸侯都蜩
縮又聞東晉破走秦符堅淝水日夜流腥羶楚竟天亡晉
天幸是役未足相參並懿夫堂堂中興大戰首昆陽當時
曾無韓信張子房直恐地下驚高皇

紋波洲

紋波洲上望極目接蒼茫水落魚磯淺天空鳥道長一聲
歌欸乃孤棹倚滄浪處處吹簫起斜暉野寺旁

荆門四十屬贈

古道棄如土天真見此人頭顱今四十書劍老風塵忽憶
初傾蓋相看各絕倫余生亦已壯憐爾尙清貧

懷抱洞庭秋新詩趙倚樓苦心追正始同調有陳留我欲
斂鋒避君應大敵愁右丞家學在亟爲續風流

中秋前霞衣見過作信宿歡別後卻寄兼簡鹿潭

信信故人去茫茫今夕愁江湖千里夢風雨一鐙秋餘子
誰青眼素交期白頭王孫本同調共汝短曹劉

小河溪

落日小河溪風塵駐馬蹏朱樓青草岸綠柳白沙隄壘石
都成塢緣山盡澗畦荆釵三五輩提甕各東西

昆陽

野戍陣雲黃春城曉日蒼
鳬飛今葉縣龍鬬古昆陽
車馬爭官道人家傍戰場
中興天子氣神武跨高皇

陳雨田王荆門過訪畱宿遲鹿潭不至輒蒙見簡二
詩依韻答和

歲晚滄江情盛年鎗囊無日不塵緣同心好我能攜手命
世如君願執鞭一夜朔風虛好約千秋孤韻感新篇
破裘擁背微吟處弓月霜天劇可憐

三郎底事太即當世事真堪惱
亂腸馬帳笙歌人寂寞烏衣子弟燕尋常
雄才暫合依劉表痛哭終須悟楚王
我是西湖君白傅就中權取作餘杭

夜雨感懷簡詩社諸君

夢回驚倒海門潮江浦雷聲挾雨驕五夜悲歌疑鬼哭三
春花柳易魂銷文章自古矜同調風義平生眷久要莫怪
詩道近疏嬾東陽瘦盡沈郎腰

爨下桐

成連去後幾滄桑浩劫居然到嶧陽水火可憐當運甕風
塵誰辨此材良側身天地渾多感失路英雄暗自傷千古
知音到焦尾令人長憶蔡中郎

饒春

爲問東風安所之今宵畱住綠楊枝從來對酒易惆悵况
復送春傷別離萬事驚心多故物百年分手幾前期子規

與汝干何事曉向人前十二時

舟中除夕遇鄰舟同邑人

蓬窓自惜苦吟身強倚芸編到眼陳遠道風霜初作客大江天地欲回春
銜蘆旅鴈衝寒晚遶楫飢鴉得食馴莫向
帆檣多處泊維舟盡是別離人

十五夜野泊感而有作

今夕何夕泊孤舟客子登岸臨荒洲二千里路一揮手十五夜月初當頭
金饑木穰昨歲惡銀花火樹何處稠沽酒
抱琴渡旁渡我醉且歌慰煩憂

襄城次壁閒韻

汝南草長銷魂句旅壁尋詩爲眼開顧我聞鷄中夜舞知

君策馬幾時來誰憑俠氣同談劍強制鄉愁獨上臺往事
繁華問梁苑三川流水至今催

月橋紀遊二首

行行步向石橋停隱約西山一抹青水皺縠紋風細細雲
張羅幕月娉娉名王第宅窺成邸故相園池問蔣亭此夜
閒遊輸我輩獨憐蹤跡是浮萍

麗譙鐘動靜無譁緩緩歸看北斗斜興劇狂歌將進酒春
深苦憶未還家從來討好關山月自古名成頃刻花惆悵
高樓樓下路何人爲說李西涯

夜次鸚鵡洲

不從大道遠襄陽已報前頭是武昌江漢夜寒春似夢樓

夢人靜月如霜賦成鸚鵡終無命立向煙波一斷腸擬把
孤墳較疑冢年年草長問誰芳

閨情

修書寄遠人觸手皆成忌妾欲言相思又恐傷郎意

三十六灣守雨

三十六灣遙輕風細雨飄鶯鶯隔煙水人在木蘭橈

紀別

積陰慘不開臨歧惜分手各各別離心垂楊復垂柳

鄧禹橋

密侯杖策起南陽遺蹟千秋重故鄉不敢橋邊商出處此

閒猶有臥龍岡

黃榮都以長風萬里圖畫筵見貽賦謝

對此茫茫百感俱已甘林下著潛夫故人不解幽棲意贈
我長風萬里圖

秋草

暮雨離離滿目悲征人無那是相思黃昏繫馬衰楊路回
首天涯送別時

黃訓導文炳

一首

文炳字蔚堂善化人嘉慶丁卯舉人署新化訓導
卒於任

卽此

卽此編茅好曾經意匠營數椽春雨就一笠野香榮柳妥

煙初定荷浮水漸生詠歸從杖屨四韻恰吟成

蔡縣令銓 四首

銓字鐵君湘潭人嘉慶丁卯舉人以史館議敘得
知縣有羊城訪古詩鐵君曾與余同客都門一日
過其寓廬見方操筆作燕京八景詩心頗易之別
後不復相聞問張蓉裳爲言鐵君得官不久旋卒
卒後嘗降神於里人家自書其詩與吾鄉陳岐陽
大使相類才人結習死而不忘如此亦可憐也詩
不多見僅從羊城訪古冊中採錄一二首以存其
人

禺山

自注在廣州府學前西去一里今悉爲民
居漢帝二子大禺仲陽居此後隱中函峽

帝子何年去調笙跨鳳皇天風吹縹渺山色墮蒼茫訪古
炎州閣摩碑碧藓荒迢遙中宿峽千里鬱相望

菩提壇自注在光孝寺西僧知約鍾慧能祝髮其下
再枯復活今尚有枝葉可作紙供翰

畢用其旁
有蓮亭并

古寺碧雲寒菩提樹戒壇榮枯經浩劫風雨護蒲團海擁
靈泉沽林空夕照殘盧能花一現敗葉勝冰紉

南漢金塗鐵塔自注在光孝寺中劉鋹
鑄有塔銘今以毀覆之

鑄盡炎州鐵燒殘都屋膏黃金空佞佛碧殿碎成蒿雲黯
詞林樹風生漲海濤荒淫播千載倚塔首頻搔

海幢寺自注在珠江南岸昔爲郭氏
園林有鳳凰崗一岡尚存

江濶樹扶疏琳宮削碧虛客來飛棹劇游人多乘
小艇過江禪定散

花初塔傲劉王寺

寺中亦有金塗塔

園尋郭氏廬獨憐鴈爪題殘

度劫灰餘

徐訓導畫堂一首

畫堂湘潭人嘉慶丁卯舉人借補安鄉訓導

和謝向亭學使符生行

枌上肉母所思股上肉母所遺敢割母肉充母飢母病食
無肉肉不比冬青竹遊土筍驚一薜哭東家方殺猪猪不
比冰上魚赤身僵臥來于于十二小兒齒尙弱髀肉無多
不禁斫忽爾磨刀光霍霍引刀入肉刀且卻區肉離刀肉
猶躍母疑買以伺快意而大嚼不復愁如飢更喜病勿藥
至誠自古輕軀命貧病殘生活以刃當時並無轉念存違

恤毀傷泥古訓兒年今廿六以錐刺股驚夜讀問兒往事
渾不知把卷方讀冰淵詩

楊訓導丕復二首

丕復字愚齋武陵人嘉慶丁卯舉人借補石門訓
導愚齋著述甚富其子葵杏農才士也嘗助余徵
詩手錄其家集見示太翁詩止近體二首風格老
到惜不多見

衡山

嶽麓已過岫嶢峙祝融紫蓋峯相望瘴癘時欲洩雲雨突
兀不辭撐昊蒼桂嶺以西蓄灝氣洞庭之上尋遐荒何當
絕頂覽區宇岱華崑崙俱在旁

泊贛州

久向靈池漱八泉
棲遲歸計迫殘年
望鄉可柰山彌地
過嶺已驚霜滿天
寒水遠分樟樹戍
晚鐘斜泊贛州船
無端更下孤臣淚
惶恐灘聲逼枕前

楊解元培之

四首

培之字因掾一字幼眉
湘陰人舉嘉慶戊辰湖南鄉試第一

送冢木菴學博之任桃源

神仙不可接沅水日奔騰
三月桃花雨扁舟過武陵
暫停千里獎重話十年鐙
何處隨漁父先生自此升

上傳重庵按察

妖星半夜耿邊陲
蠡爾無端面盡
鵝花髮翻城腥二
酉獸
蹯嘯聚穴三危
書生本具封侯骨
循吏甯徒衆母慈
帝遣我公資保障
長城萬里是男兒

密箚深林障楚天
誰能單騎搗中堅
飛鳶競向熊溪墮
上

將徒驚馬革旋

自注時福郡王和公相孫公相畢尚書先後卒於軍

赤手入山擒虎

子銀河倒水洗龍泉
請看泥首救戈日
一枕鼾聲廟帳傳

起舞聞雞猛著鞭
春溫秋肅將才全
介夫可哭司城慟僕

御宜誅魏絳專不復
征兵惟募勇無勞轉
餉在屯田

白注公教

成練勇八千均屯田十二萬畝

九溪銅柱壺頭笛
爲問南征績孰先

萬試縣間燧

一首

開燧字佩文一字攻吾武岡人嘉慶戊辰舉人分

發浙江試用知縣

沿途見餓殍

道經南陽地暫停向北轅瞥見野坡下鴉雀爭噪喧羣犬
恣狂噬口銜齒豁奔奴子下車視云是餓殍存我聞誠不
忍悲咽潛自吞欲爲謀片土過客誰與論歎息仍前去沿
途所見繁哀哉誰氏子委棄荒野村豈無飯惟念將爾蒲
莞純忍教填溝壑視同待割豚支體半狼藉白日慘欲昏
仁人惻然念目眴心重捫遺骸雖至賤與我本一原側聞
此地饑連歲掘草根半菽且不飽誰與謀饔殮皇仁亟
振恤全活良甚蕃祇此澤骨遺難與達重闢所賴良有司
視此流離魂不惜一抔土爲建漏澤園伏屍無暴露殄厲

不爲寬馴致年穀登時和候復溫民生庶有瘳重回寒谷
隨何人采輶軒我願獻此言

張試縣承霈一首

承霈字雨生善化人嘉慶戊辰舉人分發南河試用知縣

邵陽道中

東風作意釀春寒細雨微濛溼客鞍石路澄泥平似砥水
出蹙浪淨於紈荷厨茶籠香中過柳港花村畫裏看樓指
荒程行未半雲山遙望隔雲端

楊試縣繼觀二首

繼觀字利賓號蘭皋新化人嘉慶戊辰舉人以官

學攷習分發山西試用知縣蘭皋爲余姨甥幼似
僞負氣傲岸老始得一令未卽眞而卒

岳陽樓

城頭百尺倚崔嵬把酒臨風氣壯哉萬疊山扶幕阜出四
圍天抱洞庭來蒼梧秋冷湘妃淚碧海雲浮醉客杯正欲
凭欄發高興狂飈無柰片帆催

舟過臨湘書感

憶昔公車發岳陽先君薄宦寄臨湘輕舸一夜風行穩冷
署三更笑語忙近膝謹先稱母健挑鐙細聽問家常至今
重過天螺廟回首孤城泣數行

秦副貢關 三首

關字百二湘潭人嘉慶戊辰副榜貢生有九面樓
集百二才名藉甚每同人社集矢口成章刻燭擊
鉢無其捷也

湖山草堂對月

月亦尋秋出先人到草堂古髯松泣露瘦影菊禁霜人覺
心魂肅詩增骨氣蒼竹爐添逸興苦茗恰分嘗

雪意

澹墨天光晚殘陽一綫斜鴉寒翻獨樹雁遠沒平沙野戍
不聞角疏梅時見花竹林煙破處隔水見漁家

清風峽

隨風深入峽四面山蒼然赤日不到地松雲疑在天披蘿

窺古洞倚樹聽流泉小憩談經石鳴鐘麓寺傳

張貴筑家樾

四首

家樾字陰南號小珊湘潭人嘉慶戊辰副榜貢生
官貴州餘慶貴筑知縣升郎岱普安同知著有少
巖詩草

阻風磊石山卽事

韶光三月暮風冷客衣單楚澤天難問扁舟春自寒貪杯
愁病肺見事欲披肝坐向湖山晚方知勇退難

桂平漫興

病肺欲除酒多情漫學狂秋何干宋玉地本接高唐蠟盡
美人淚絃挑司馬腸重來栖舊館故事亦倉皇

北苑新居

結構無多宇周回
卅字欄時花隨地種
峭石隔廊安竹影
含窗靜蕉聲助雨寒
官閒身入畫惟有
鷗分餐

軒窗爲客至一徑入蓮塘
麗鳥學人語蠻花窺女牆
車非懸靖節吏自怨嵇康
埽石安茶臼還燒百和香

蔡舉人世瑣

五首

世瑣字昭華湘鄉人嘉慶庚午舉人有雙漪詩鈔
昭華與其兄世瑛齊名世瑛成進士令雲南昭華
從之行以入滇後詩爲佳余輯資江耆舊集從其
子某之請選錄數首陶文毅公少之刻行時盡哀
其詠古讀史諸作爲一卷今仍存滇中雜興五首

可傳固不在多也

滇中雜興

華風漸染邇雕題萬萬祥雲度嶺低郡邑新開蒙段後山
川舊界雍梁西當年戰陣驅烏鬼此日荒祠賽碧雞玉斧
何須分大度刀耕火種盡烝黎

千盤烏道幾踟躕訪俗憐爲古畫圖稻米開鎔和豆煮松

毛市地抵瓊鋪觴傾樹酒宜嘉客

自在樹頭
釀酒最佳髻插山茶襯

麗姝十九峯前人賣雪翻教六月著貂褕

星分井鬼鎮坤維密箐猿聲達九達諭意無煩司馬檄銘
功已蝕爨王碑山中迦葉禪關悟洞口蘆笙古調吹幾處
銅坑饒蟹殼年年轉運出西陲

金鼇頂上早迴翔一紙迢迢赴永昌大禮議成何激烈中
閨詩寄其悲涼未生馬角遲公子誰辨雞竿起夜郎張桂
傾危空復爾才人不朽是文章

十月寒輕客戒途雲天四望半模飢新霜乍釀田禾熟積
雨先催塞草枯歲序悠悠蛇赴壑山程曲曲蟻穿珠登臨
不惜塵沙著欲繪滇黔作畫圖

譚教習光鼎

四首

光鼎字槐村零陵人嘉慶庚午舉人以辛酉拔貢
充八旗官學教習有槐村詩稿

過大花灘

行引

灘在黃陽堡之上半江皆伏石蹲踞激水成輪寬廣數

百步中空如深阱聲同雷吼舟筏少縱卽凝入阱中無
得出者舟人恆憚之水滿則無水落卽見

秋江澹無煙峭壁夕陽冷擊楫泝清流迴光漾寒景浩波
不可極齒齒白沙同菱角露淺芒苐帶牽修綆清景逐波
流機心隨物舁斗覺灘聲惡流急飛黃騁石角怒猙獰勢
與波爭猛巨若鏗鐘鏘細亦喧蛙鼃輪旋一穴開髣髴落
深井尺寸篙力爭呼吸不敢遲過險復夷猶履坦發深省
兩岸青山多涼波湛千頃曖曖柳墟煙漠漠蘆洲影漁唱
下滄浪巖端挂笓箬

王公嶺

馬首騎層陰危峯矗天起訝然一綫開雄關驚嘖嘖王公

伊何人於古事無紀尊嚴氣象間命名或以此窄徑鬱千
盤迴環磨旋螳歛忽歷巔崖白雲浮雙趾放眼得遐觀萬
山同一指谷口何清泠樹綠濃於水謾謾好風生寒濤侵
肌髓落日幾人行冉冉松陰裏

遊愚溪

晴嵐如畫小橋平溪接垂楊路幾程兩岸青排峯凹凸一
川碧瀉石縱橫任拈魚鳥皆佳句不負雲山卽令名多事
還嫌柳司馬苦將遷謫累閒情

龍伯高墓

廉威片碣誌封阡抔土能畱漢代賢祠宇詎依司馬永姓
名先藉食波傳無邊三壘埋荒草幾處村墟冷墓煙蘋藻

獨留清直舊人長報豈徒然

楊舉人昌光八首

昌光字秋菡號花塢湘陰人嘉慶癸酉舉人有芸
窗小草秋笛有詩才年二十六歲卒未竟其業殊
可惜也

北行舟中作

一輪明月悟前身不信天涯若比鄰畫角吹殘湘水夢玉
壺買盡洞庭春舟邊柳色催征客嶺上梅花寄故人兩袖
闌干彈別淚孤鐙背坐暗傷神

飽挂輕帆趁夕暉波光蕩漾鳥聲微舟邊客路花爭發湖
上人家筍正肥黃鸝未知何日返杜鵑只道不如歸幾回

回首天涯望無數鷓鴣過釣磯

落花無語鳥無聲收拾蒲帆十幅輕別後山林應似昨客
中風月最多情一身飄泊嗟王粲千古牢騷屈平夜半
鐙光看又離離懷翻向酒邊生

誰云白俗與元輕陣馬風檣筆底橫萬里雲煙歸客夢一
天雷雨挾江聲落花有憾眠寒蝶楊柳無心坐曉鶯指點
片帆相接處征途多少別離情

漫興

春來苦憶踏花遊小坐蓬窗夕照幽壯志未酬雙佩劍離
情空寄一孤舟煙波浩渺搖青雀今古沈浮付白鷗隔岸
忽聞長笛響有人閒倚圓邊樓

沙平岸闊又前津。簫鼓斜陽渡口春。萬里江山供醉眼。
一天風雪冷吟身。頻年綠水舟中客。昨夜紅閨夢裏人。強學
題詩酬彩筆。浮蹤相伴白鷗親。

眼斷晴川一帶煙。聊將詩思寄空船。歸田湖羨陶元亮。讀
曲徒悲白樂天。莽浪乾坤流水外。淒涼簫管夕陽邊。忽聞
玉伯梅花落。雲樹蒼茫何處仙。

迢遞山高復水深。孤舟泊向柳花陰。窮途肯滴英雄淚。故
里頻牽客子心。眼底家書雙鯉杳。腰閒寶劍一龍吟。來朝
爲語湖邊鳥。休向枝頭報好音。

俞舉人敬枝 一首

敬枝字儼若一字朗垣善化人嘉慶癸酉舉人朗

垣爲岱青侍御母兄與侍御同舉於鄉性沈默以
孝謹稱年未五十卒侍御哀之搜其遺詩寄示爲
錄存一首

哭羅慎齋先生

廿七年來教澤深忽教悲感徧儒林文章風義光寰宇人
表經師愜衆心雞次自來尊左史騷壇誰復嗣元音寢門
豈獨爲公痛悵望千秋淚不禁

夏日憩愛晚亭

綠苔深處隔塵凡流水潺潺轉翠巖橋畔詠歸驚響答柳
塘陰滿燕呢喃

胡封公嵩齡七首

蒨齡原名大魁字貫斗別號月坡保靖人嘉慶癸酉拔貢本科舉人借補晃州直隸廳訓導以子興仁貴累封通議大夫四川成綿龍茂兵備道有月坡詩草保靖雍正初始設縣隸永順府百餘年來學官弟子無與禮部試者其舉於鄉實自封公始性誠懇內行肫篤母歿泣血廬墓終喪不離聖室在都時嘗舉債歸其友二喪於數千里外又爲其本師尤翁服心喪三年并謀其孤孀承久子女婚嫁之費曲至其風義如此晃州初隸湖南諸務草創未備自封公官其地凡有關學校者次第舉行又嘗增置學舍數十間擇士之貧而可造者爲

延師教讀其居官盡職又如此余編輯湖以南詩
略備獨缺永順一郡以地界邊遠搜訪難及嘗以
是恥之同人無應者頃恕堂觀察興仁以封公詩
并狀來乃得敘而錄之蓋不獨備一道之文獻實
以補是集之闕略也

朱蘊山以小孤山阻風圖見示漫書其上

小孤山色青巉巖江流九派中揚帆石尤風裏行不得愁
斷客心正悽絕西湖太守東坡翁子由對榻蓬窗中吟懷
盡理兩超妙引出魚龍聽古調章湖水與鄱湖連雙芙蓉
落春江船彷彿黃牛峽下路倚櫂三朝復三暮

衛輝府

富庶疆千里中原屹此城門迎太行色戶枕大河聲
州滑古稱險瘡痍方罷兵自注時滑亂初定束身圭璧重爲朔武公清

舟過黃天蕩

覽徧東南勝平生此快游大江風浪靜一葉地天浮
遠火明漁浦輕帆指石頭何人吹鐵笛隱約舞潛虬

仁兒權四川臬司書此示之

爰書定處重輕殊何忍明明殺不辜憂患安知非玉汝
耽狂可怕犯金吾桁楊欲下先防誤縲紲之中恐是誣
惟允惟明推作士誅求文致可能無

硤石

礫硤亂壑中紆迴一徑通但教山莫躡履險與夷同

鐵門

地險門名鐵溪深浪潑銀此閒徵定力雙足踏嶙峋

午睡

一葉扁舟一枕安江陰城外水漫漫朔風吹作梨花雪浸
入篷窗夢亦寒

周試縣時翥四首

時翥字漢卿號企廬長沙人嘉慶戊寅舉人丙戌
大挑一等分發浙江初試秦順縣知縣卒於任有
紀光堂集企廬官秦順甫六月其病也秦民日禱
於神祝無死其卒也相對泣失聲相與謀奉其主
入祀各祠廟又醴其善政爲道愛錄而縣人潘鼎

序之稱其清廉公正不讓劉元明沈希顏 流人
而其等盡荒政不稟大吏輒發倉粟濟活數千人
尤矯然有汲長孺風其子康立杏農奉遺詩求選
爲錄數首康立英年嚮學亦有聲

書逸史紀女俠殉節事後

滔天狂寇橫刀立委地瓊枝罵聲急從賊何如飼犬強滿
身血肉淋漓香曼卿笑曰死無遽毒厄好是干將助天不
殺賊柰賊何磔尸萬段同歸去吁嗟乎樂戶女賤工耳干
卿何事乃如此自來刺虎一宮人莫道妾身非男子男子
爭看女子死

舟至銅陵遇風

大風吹水水橫溢扶舵欲轉舵痕直半帆如駛不待張百
里千里眞瞬息四垂塵霧天暗遮風聲水聲雷行車忽見
青山舟子喜千鈞鐵索沈泥沙怪哉風力險而健虎攫鯨
吞肆怪變馮夷鼓怒可奈何賴此嵯峨當一面束縛雖牢
風愈猛顛搖魂夢時相恐推窗試望白波中遙遙尙見孤
篷影

棲霞山

見說江南景名山此最高三峯成秀削一碧淨週遭樹直
散孤影淡不容半篙扁舟初泊處新綠上征袍

路轉山迎立山光逼近收鐘聲雲外落樹影峽中浮前輩
雕搜出昔人有山似人吾生歷碌游征帆斜照裏相對有

閒鷗

沈湘齋舊集卷第一百四十六終

沅湘耆舊集卷第一百四十七

新化鄧顯鶴湘泉編輯

湘陰左宗植仲基校訂

晏湘門貽琮 古體詩三十七首

貽琮字幼瑰號湘門新化人嘉慶丁卯舉人年二
有九卽卒有過且過齋詩集湘門與余居京師最
久後余流寓維揚湘門亦客金閨因偕之歸歸後
踰月卒余痛之甚言於唐陶山方伯爲刻其遺稿
湘門爲詩最刻苦存詩最矜慎方伯序稱其初學
昌谷進而峭削爲韓柳造於平澹爲姚馬爲儲孟
老友礪東尤亟稱之使天假之年其所詣豈可量

哉可哀也已

曉霽登嶽麓峯絕頂還憩雲麓宮

宿雲尙在樹巖潤滴初響東風發天和新綠亦已長
鴛言撰良辰叢林寄蕭爽偕遊豈無人意得每獨往
初造徑轉仄至頂地殊敞憑高覽山川中原鬱蒼莽
探幽竟忘疲觸目卽延賞未知平生遊著此屐幾兩
老僧喜我至屢要入方丈諸天少昏旦洞放光明相
羣龍各持經有首不敢仰何必聞梅檀卽此悟非想
塵根儻可除庶幾謝鞅掌

初秋王十一招遊雙清亭

一雨掃餘熱眾山開晚晴空亭下落葉萬壑來秋聲
孤崖獨蹶蹶拳石高崢嶸蠨蛸屐上諸閣危梁渡彭蠡
資水自東

來曲折環江城塔影山罨畫泉音玉琮琤王孫此駐蹕桂
樹雕朱甍長橋架山出飛閣連雲平翠輦導前騎青蓋迫
繁纓雙清夜宴客六嶺朝吹笙潛龍一朝去倏忽成榛荆
山獸走麀鹿野鼠飛鼯鼯離宮燭鬼火宿草埋荒塋風流
竟何在感此萬念并王郎雅好客置酒雙清亭侯鯖出豐
膳家釀傾長罌稽留動十日縱飲累百觥彌天與鑿齒二
敵皆長劼一龕共彌勒長句相唱賡雲山發禊靄曠野張
韶謦詩肩若山聳饑腸忽雷鳴煨芋充夕餽啜漿解晨醒
然犀察水族大嘯窺寰瀛傳聞此潭下赤鯉盤生獐潛鱗
縱巨壑掉尾成長旌乘潮忽出沒湏洞山爲傾我恐蓬萊
鼇失走逃清冷不然仙人藥亦是流淵瓊行當跨汝去不

待騎長鯨

戊辰落第後諸同年將趣裝歸里余僂然獨畱賦此

送別

良會不可卜戀此清夜歎燈知人將去有淚不肯彈那堪
失意中重以離別酸風波卒然來聚散如沙搏我來冰正
堅春露忽已圓不揅臣朔饑况彈貢公冠君今罷行役薄
言采湘蘭黃冠與草服散步青林端懸知龐居士一家笑
團團嗟我何所戀而此猶盤桓夜夢多在家覺來杳漫漫
未遑辦裝錢惟聞送歸輦舊雨我孤聽前盟子先寒先已共約
都客中復送客念此摧心肝寄語索米人慎勿遊長安

夜坐懷友人三首

幽室渺歡會獨居思故人之子別我去鑽燧已再新行行
在何許寂寞瀟湘濱盈盈一水隔不得通音塵徘徊望列
宿但見參與辰不有今日別昔情安足親

披衣不能寐起坐夜未央步月出城東仍上東樓望宿雨
不復起潛螢有餘光遙知今宵夢無由至君旁嗷嗷雲中
雁浩蕩方南翔欲因展尺素悲來斷中腸思君不能至佇
立以徬徨

徬徨欲何之樓上復有樓問此幾何日絡緯鳴新秋迴風
颯然至窗戶涼颼颼念子幾時已對酒徒增愁舊情日已
疎去路日已悠仰看河漢近竟夜向西流

詠古八首

燕昭志創伯始改郭隗宮懸金置臺上策士如雲從樂生
自魏往禮遇何其隆指揮建長策談笑收奇功齊城七十
二免胄來趨風功成中道去此恨何時窮迴望黃金臺倏
忽青草封廢書三太息吾思齊蒯通

左徒放逐後行吟湘渚旁風雅旣中歇離騷復高翔方其
放歌時一飯何曾忘巍然在三義豈直誇詞章賈生與太
史隔世遙相望若云托空言三百皆可亡必欲盡刪去惜
哉司馬光

武帝性好馬葉公性好龍天馬出渥洼真龍降蒼穹氣類
所感召能使風雲通嗟此頗牧才乃屈宮禁中千秋悟意
一言政三公顏生坐郎署白首不得封所學非所好揆

瑟嗟徒工

子雲昔待詔獻賦天子前漢運方中蹇國事付董賢一時
附離者勢如蟻趨羶斯人獨寂寞屢空長晏然豈知執戟
子中有金石堅太息美新作不復草太玄

營營棘上蠅小小江中狐以彼三寸舌捐此千金軀自詡
機變巧不知禍已俱能誅灌夫人仍遭灌夫誅人欲肆其
毒天必償其辜報復有如此區區毋乃愚

蕭何起刀筆碌碌無奇勛李廣居南山恂恂一鄙人神龍
蟻屈時下與獫獫鄰乘時得風雨感激施經綸士生一代
間與世相屈伸汲汲求自見徒令識者嗔所以焦尾桐寧
爲爨下薪

世道日趨薄權勢交相爭樹枯無宿鳥林深有鳴鴛廉頗
一失勢堂上生榛荆田蚡門下客故主丞相嬰翟公不再
貴無因見交情人要不可忘此意誰當盟感彼葵與藿終
日向陽傾

飲食起訟師文字藏斧鉞言動一不謹失足卽蹉跌稽生
僞傷道鍛竈終見伐阮籍不臧否保身信明哲膏以明自
煎薰以香自爇用光在得薪蘇門有真偈區區薛道衡安
識僧虔拙

陶琴垞明府索觀近詩誇之過當他日有寄

我生好吟哦無病常自灸焉知入膏肓有藥不可抹敝帚
聊自享醬瓿豈堪覆昨者從南來三見春月夜蕭然絕車

騎疎簾挂清書徒聞羣蛙聒未睹蛟龍吼凌晨聞扣門晏
子方南首披衣不及帶倒屣出迎廬入門氣軒昂高談走
飛溜眉間一道青照見西山秀索我袖中詩一見輒心售
宿癩眾所醜瘦骨公獨購未曾施鞭箠遠先飾文繡中原
盛旗鼓先生爲領袖要當掃淫哇未可飾凡陋嗟余何所
成聞此但顏厚肩墻煩屢窺朽木何足鏤乞公韶濩音洗
我箏笛奏

借書簡李壽田明經

少時畏見書有似犇鯨燭蹉跎二十年蕭然客京轍春秋
并三傳都付高閣束鰈魚夜無眠常自睜兩目長安衆富
豪傾身障錢籠亦有藏書家貴若荒年穀牙籤萬琳琅但

卷一百四十一
三
飽蠹魚腹凌晨過都市大嚼屠門肉旣無百城擁誰送兩
紙讀鄴侯賢且豪邀我山齋宿家釀傾芳酌園官翦新菽
室中一無有插架書萬軸博物鄭子產窮經晉卻縠衙官
命屈平老兵呼宋玉舊澤貯鑿楹新編積連屋諸子及百
家一一分旗纛冥搜逮象罔高坐揖軒頊以茲得流覽老
饕意殊蹙東封又望西隴得卻思蜀譬如好飲人盡醉中
始足爬癢倩仙爪救荒賴秦粟荊州倘可借閑道歸應速
苦熱

京師五載住苦熱無如今五行互相用火見斯伏金祝融
開離宮羣從皆朱綬初憂日下地又疑火焚林跋烏海底
出紛紛走蛟鱗龜鼈雖被甲蹢躅受焦燂亭午氣高竊喜

里無纖露雷公操槌立見日駭且暗雲師及屏翳謙若不
敢任野水絕滌盪孤雲聳欽崑地如龜坼兆人似魚游鰲
青秧纔幾日變作蒿與麥傳聞兩河間斗粟昂如琛男功
輟耒耜女紅休織紵有機任從灰有突何時黔嗟我性畏
熱對此成孽疇窗前老松樹無復秋氣森當暑豈無葛著
體衣生鉞解渴豈無水入腸汗成霖朝蠅驅不去午蟬倦
還吟蚊雷聚耳鬧欺我宵無衾西鄰兩好友寸步不敢尋
無人得少憩有酒聊自斟冰盤雜水果葠臍并林檎柳愛
秣康鍛李爲吳質沉一發蘇門嘯再彈虞殿琴甘澤豈敢
望但祝羲馭馭誰能學大禹爭此一寸陰我欲請於帝手
把旱魃擒折簡呼傅說淋漓洗煩襟顓頊與炎帝號令毋

商參兩家續舊好女丁兼婦王雪彼真宰罪慰我憂國心
陳詞擬上訴君門九重深明明者上天不鑒余微忱何時
將兩耳聽此霜中砧夜起望明月尙作懸弓臨諺云月如懸弓少雨
風多

用東坡源字韻奉酬恕堂郎中喜雨詩

京師歲云旱五月困炎溽龍公呼不起睡味何時足出門
看水嬉人影亂江淥惟傾河朔觴自坦牀東腹身羈南城
隈夢繞西山麓先生似饑鼠白晝但長伏覺來盼前庭鳩
婦紛相逐飄蕭纔入耳霽霽已到目跳珠濺長溝急溜鳴
高屋豐年苟可期甘澤豈在速汪侯詩酒豪逸步追前躅
示我喜雨篇清泉漱寒玉珠玉本無塵所見真有幅得雨

已可欣持詩更堪讀懸知米價低可免窮途哭遙睇翠微
山浮雲斷還續層巒樹如洗未往意先觸何時謝樊籠結
此碩人谷爲樂當及時安心貴忘欲庵茅儻可誅吾將棄
儒服

秋懷二首

愁人如寒雞獨起夜方半吟蟲入我闥似感時節換我木
山中人胡爲在羈絆野鷗謝洲渚低頭就芻豢僂僂揖向
人何異冰與炭邇來益疎嬾十日九廢盟雄劍半已摧愁
冰苦難泮新絲蠶自裹故紙蠅徒鑽久畱笑浮梗屢試見
磨鍛應念馬少游逍遙騎款段

憶昔離家初招搖正東向蹉跎遂及茲五見絡緯唱別時

送我人近聞半凋喪想見故山中纍纍鬱鬱相望而我在風
塵焉得長少壯感此淚如雨中宵發悽愴夜闌新露重涼
月漸東上雖嗟歲華晚稍覺天宇曠會當理歸榜安能事
依傍濁醪幸可飲到口君莫放

淮上喜晤鄧湘舉先生

夜聞楚人語審似彌明喉朝來握手笑問我從何遊連年
驚燕臺駿骨苦不售飄流復相見役車何時休可憐兩南
冠相對如羈囚君言苦念母歸期當在秋淮南雖信美徒
增越鄉憂我如西域賈所到終年甯徒勞故車腳未歌大
刀頭所得未銖寸所喪如山邱行當與子逝歸訪衡霍幽
君其歸三徑我鄰羊與求

大風登金山

輕舸截江來受此一峯聳巨鼇蟠其根屹立千年拱是時
日方午風靜波紋溶中流忽奔騰萬馬喧鳴軋雷霆闕方
酣蛟螭氣何勇蜚廉助其威作意相震恐朝來地盡移聲
過山猶湧飄然一葉舟身寄鴻毛重山靈不我憎呼龍走
相擁命薄江潭輕數奇鬼神寵入門心始定憑危意還悚
參差見樓臺丹青煥華栱空堂樹連雲曲徑草鋪氎近撫
頭陀像遠眺葬師冢談空既無憑相吉徒爲備焦山遠和
峙對立壁雙琪婉孌兩青童照此髮種種春明八載遊逸
興墮煩冗雖懷出塵思未免困拘葦澄懷今有得割膜昔
填壅縱覽倦眼空孤吟瘦肩聳歸來傲同遊何異誇得隴

夜聞松檜喧如共驚濤
潤青燈靜無寐哦聲闌
秋菴坡翁去不歸詩僧
亦荒墮江山幾湛輩誰
繼斯人踵臨風浩徘徊
悲歌足空躅何當傍金
仙香花日供奉得道須
慧業顧影慚臃腫聊畱
鴻爪痕一笑腹爲捧

九日游虎邱寺八首

卹舍四周遭林壑藏其中
登高見城邑始覺望眼空
西風幾時來楓葉忽已紅
吳門一匹練高挂靈巖東
欣欣若有得新詩雜天工
詩工復何益坐此日益窮
一笑對頑石久矣無生公

生公講經時千偈口中誦
光生方丈間聲動大梵眾
常聞石頭滑未信風幡動
亭亭磚浮屠仰看曾無縫
賈勇欲登

放頂上真毫光我師頭陀現本色須彌照耀東南方天晴
無風日開霽蠶書一一珊瑚裝中有藏真律公帖目未及
睹肩先揚想當解衣氣磅礴筆力可挽千石強真龍夭矯
自空下飛騰入腕何茫茫須臾百紙立掃盡墨痕一縷中
藏芒王氏之間伯仲耳神妙不數崔與張弇州論書以年
斷強作解事欺聾盲師歸兜率已千載字向紙上猶軒昂
護持幸仗佛力大恒沙算數知無量千文一卷絕可惜面
目雖是神先亡流傳要亦自有數書妙所貴刻手良後來
得師筆外意宋人獨許涪翁黃天門蕩蕩不可至日暮悵
望疲津梁低徊掩卷復三歎跋尾爲君歌此章

讀楊蓀圃先生詩集奉呈長句一首

雲將汗漫追鴻濛邀我來遊東海東偶然乘風至八極看
遍無數蓬萊宮先生一代人中傑鳶肩火色方兩瞳鯨牙
刺手拔不盡意氣壓倒千夫雄朝手一集示我讀初日照
耀青芙蓉春雲靄靄出天際孤鶴矯矯盤清空性情自與
雕鏤異兩途迴判人天功同時孫吳四兄弟就中獨數白
沙翁礪東歐老復奇絕長城卻得偏師攻先生從事執橐
韃屹然角立森詞鋒豈知才大古難用茫茫四海如飛鴻
歸來倔强尙類昔不除豪氣陳元龍山城二月百花發一
樽相對朱顏紅醇醪飲我醉不覺坐間謾謾來松風男兒
讀書頗識字便欲粉飾欺盲聾不然窮年坐兀兀一生稿
死文字中公才雖不爲世用江山所得亦已豐伊余無事

但吟咏白鳴白止寒窗蟲詩來博公一笑粲寸莛許我撞
洪鐘

夢遊祝融峯

南方固是山水窟五嶽獨數衡霍雄夙昔懷之未能至一
夜夢見遊祝融崩崖絕險迹罕到側身下瞰心慌恍洞庭
以南之元氣鍾此突兀七十有二峯蜿蜒不盡幾百里萬
笏森列朝蒼穹紫蓋一峯獨竦立中天雙插金芙蓉其餘
石廩及迴雁雜然相向交戈鋒參差宮觀倚雲起金銀射
眼光玲瓏祝融舉酒百靈集龍頭滿瀉玻璃紅雷聲隆隆
動山谷雲輶雜遝山爲聾絳綃抹額闢前路燭龍吐燄長
如虹須臾神散鼓音死微見煙霧隨飛龍更登日觀俯絕

步青者有身
卷一百四十一
三
頂忽訝雲海生心胸義和一鞭水倒立踈鳥已挂扶桑東
眼前幻態倏萬狀一一不與人間同關門九重虎豹守咫尺
帝座無由通仙人賜我九節杖他年更約游華嵩洞天
於我豈有分不揣便欲希其蹤是時夜靜萬籟寂但聞絕
壑溪聲春恍然山靈露光怪陰氣慘淡來悲風夢成覺我
人海中起看窗紙方瞳瞳

送湘皋南歸

昔年連袂黃金臺兩人相視忘形骸今年送君洞庭水使
我不復相追陪使君英雄天下才君王不采羞自媒我車
我馬亦已隤翩然決計歸去來臨行幸有酒如淮請君盡
此手中杯江頭急鼓且莫催強欲留之暫徘徊羨君此行

真快哉到家正及梅花開對花應笑我未回我今歸慰日
夜催五年負汝山中梅明春定鼓資江柁三徑爲我開蒿
萊

答友人求書

人生何用誇善書終年索字如索租吾本不善聊自好落
紙何異烏鴉塗炭君草書真絕技美髯自美誰與比慣追
古法每尋真獨出新意尤可喜忽思野鷺厭家雞豈有來
禽與青李可憐一生坐詩窮安用草書復求工龍跳虎臥
世不乏何不往求王與鍾吾書不足污君目閉門但可誇
僮僕

元明書集卷第四百四十七終

元明書集卷第四百四十七